

AUGLÝSING

um staðfestingu á breytingu á aðalskipulagi Reykjavíkur 1996-2016, Laugarnes, Kirkjusandur og Klettasvæði.

Samkvæmt skipulags- og byggingarlögum nr. 73/1997 hefur ráðherra þann 17. febrúar 2000 staðfest breytingu á aðalskipulagi Reykjavíkur 1996-2016.

Breytingin felst í eftirfarandi:

- tengibrautin Hólavegur fellur burt,
- tengibrautin Klettagarður milli Sæbrautar og Sundagarða bætist við,
- borgarverndarsvæði á Laugarnesi fellur út en í stað þess kemur hverfisvernd,
- hluti Kirkjusands, Laugarnesvegur 89, verður íbúðarsvæði í stað athafnasvæðis.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki borgarráðs Reykjavíkur. Skipulagsstofnun hefur afgreitt erindið til staðfestingar.

Umhverfisráðuneytinu, 17. febrúar 2000.

Siv Friðleifsdóttir.

Magnús Jóhannesson.

AUGLÝSING

um staðfestingu á breytingu á aðalskipulagi Flúða 1992-2012, Hrunamannahreppi.

Samkvæmt skipulags- og byggingarlögum nr. 73/1997 hefur ráðherra þann 17. febrúar 2000 staðfest breytingu á aðalskipulagi Flúða 1992-2012 frá 25. apríl 1994.

Eftirfarandi breytingar eru gerðar:

- legu golfvallar er breytt þannig að landi norðvestan Efra-Sels er breytt úr landbúnaðarsvæði í grænt svæði til sérstakra nota, landi sunnan Selsvegar á milli frístundavegar og golfvallar er breytt úr landbúnaðarsvæði í grænt svæði til sérstakra nota og loks land sunnan og austan núverandi golfvallar, Mjóitangi og svæði gegnt Langatanga, er breytt úr grænu svæði til sérstakra nota í almennt útivistarsvæði,
- land norðan Selsvegar gegnt frístundabyggð er breytt úr landbúnaðarsvæði í frístundabyggð,
- aðkomu að Flúðasveppum frá Þjóðvegi er breytt,
- aðkomu að Ásabyggð frá Þjóðvegi er breytt og eldri tenging lögð niður,
- nýtt skógræktarsvæði vestan Ásabyggðar og landnotkun breytist úr gróðurhúsaræktunarsvæði í grænt svæði til sérstakra nota, skógrækt,
- lóð límrésverksmiðju er stækkuð til suðurs og breytist landnotkun úr almennu útivistarsvæði í iðnaðarsvæði,
- lóð Skjólborgar stækkar til norðurs og austurs og aðkoma frá Þjóðvegi breytist. Jafnframt breytist landnotkun lóðarinnar úr blönduðu stofnana-, verslunar- og þjónustusvæði í verslunar- og þjónustusvæði.
- landi suðvestan Sunnuhlíðar, vestan Þjóðvegar er breytt úr gróðurhúsaræktunarsvæði í stofnanasvæði,
- breytt er aðkomu að íbúðarsvæði norðan Litlu-Laxár frá Þjóðvegi.